

Л И Н Ш А Й - Л О

ЭВРАННЪ КИТД ИНЫГТАН НЕРАДДЖАНАВ

I

Газад далан кōвāгъās,
Гарх нарна ўзгās,
Холдж Китд нутгас
Халун сāахн седллтāгъār
Ленинā орн-нуттур
Лин Шай-Ло ирлā.

II

Дорвн кōлнъ булт
Долда зeerдārн Лин
Арвн нāāmдгч джил
Андн бшātнрлā ноолдв,
Догшн дāāни галд
Дūūвр дāāч болв.

III

Хōрн гурвдгч джил...
Хазг Атаманск станицд
Андриан бандит-бздннъиг
Ардаснъ кōбōдж кўцāд
Аврлт уга кевār
Аргъинъ таслдж цокла.

IV

Итклтā ўрн Лин
Испания дāāнд орлцв,
Мадридин олт āмтиг
Махсг фашистирās харсв,
1). Лукач генералин цергт
Линā черн туурв.

1). Лукач — венгрин бичāч Ма-
тэ Залке, интернациональн
бригадин командир.

V

Дōчн негдгчин намр...
Дāāнд дасн Лин
Тенъгār, Маншар дāāллдв,
Теегūr тер ирв,
Хомутников Васильлā харгъв,
Халымт газр тōгāлв.

VI

Орчлнъ Лин эргв,
Олт улс ўзв.
Кавказас эклдж гарад
Кенисбергд Лин ирв.
Балтик тенъгс давб
Берлинд кūrч ноолдв.

VII

Дōчн йисдгч джилд
Делкā дūūrād шуугв:
«Энъкр Китд нутгтнъ
Элдū сулдхвр ирв...»
Баатр Линā нūднās
Байрин нульмсн асхрв..

VIII

...Кавказин нег курортд
Китд Линтā харгъув,
Толгъаннъ ўснъ буурл,
Токтнун нūднъ хурц,
Орчиннъ хōйр талнъ
Ончта орденмūd гилвклднā.

А. СУСЕЕВ.